

Bosna i Hercegovina
Federacija Bosne i Hercegovine
TUZLANSKI KANTON

KANTONALNI SUD U TUZLI
Broj: 003-0-Su-22-000 249

**GODIŠNJI IZVJEŠTAJ O
REALIZACIJI TROGODIŠNJIH
CILJEVA SUDA I GODIŠNJEG
PROGRAMA RADA ZA 2022. GODINU**

Tuzla, februar 2023. godine

SADRŽAJ

A. Uvod	3
B. Pregled realizacije aktivnosti po strateškim i trogodšnjim ciljevima u planskoj godini	6
b.1. Obrazloženje za rezultate kod kojih je došlo do odstupanja u odnosu na očekivani godišnji rezultat	9
b.2. Obrazloženje aktivnosti (načina i stepena realizacije aktivnosti)	11

A. Uvod

Strateški cilj 1. „Unapređenje efikasnosti rada suda“

U okviru **1. trogodišnjeg cilja planirano je Smanjenje broja i starosti neriješenih predmeta u Građanskom odjeljenju** za 10%, odnosno brojčano 700 predmeta. Ukupno na građanskom referatu na početku 2022. godine bilo je neriješenih 4.689 predmeta, a u toku 2022. godine na ovom referatu primljeno je 3.874 predmeta, tako da je ukupno u radu bilo 8.563 predmeta. Riješeno je 4.048 predmeta, što predstavlja 47% ukupnog broja predmeta na građanskom referatu, a od tog broja u skladu sa donesenim Planom rješavanja predmeta po starosti inicijalnog akta riješeno je 2.527 predmeta. To predstavlja 62% od ukupnog broja riješenih građanskih predmeta u toku godine, što znači da je riješen daleko veći broj predmeta od planiranih 10% građanskih predmeta. Predmeta radnih sporova koji su po zakonu hitne prirode iz 2021. godine preneseno 1.003 predmeta, primljeno je u 2022. godini 1.698 predmeta, tako da je ukupno u radu bilo 2.701 predmet. Riješeno je 1.230 predmeta, a ostalo neriješeno 1.471 predmeta, što predstavlja 45% riješenih predmeta od ukupnog broja koliko je bilo neriješenih predmeta, a to znači da je Kantonalni sud u Tuzli postavljeni cilj od 10% smanjenja broja predmeta radnih sporova značajno povećao. Na kraju 2022. godine na svim referatima ostalo je neriješenih 5.083 predmeta, što u odnosu na 2021. godinu kada je ostalo 5.418 predmeta, predstavlja smanjenje broja neriješenih predmeta za 335 predmeta ili procentualno 6,59%, iz čega slijedi da je Kantonalni sud u Tuzli riješio veći broj predmeta od tekućeg priliva predmeta.

Što se tiče **2. trogodišnjeg cilja Unapređenje rada na predmetima korupcije** provedene su sve aktivnosti i pokazatelji za izlazne rezultate pokazuju da je ostvaren ovaj trogodišnji cilj, budući da je u 2022. godini planirano da će se riješiti ukupno 30% „Kž“ i „K“ predmeta ove vrste. U 2022. godini na prvostepenom krivičnom referatu „K“ ukupno je bilo u radu 7 predmeta koji pripadaju predmetima visoke korupcije i u 2022. godini riješena su 3 predmeta ili procentualno 42% od ukupnog broja predmeta. Također na drugostepenom krivičnom referatu „Kž“ – odlučivanje po žalbi na odluke donesene od strane prvostepenih sudova, riješeno je 40 predmeta, odnosno svi predmeti koji su došli po žalbi stavljeni su u Plan rješavanja predmeta, tako da su u potpunosti riješeni.

Predmeti korupcije imaju prioritet u radu, a u Kantonalnom sudu u Tuzli se odvija Projekat u okviru USAID-a pod nazivom: „Pravosuđe protiv korupcije u BiH“ i cilj ovog projekta je da se pruži podrška sudu u radu na ovim predmetima. Dvoje sudija ovog suda su učesnici Specijalističke obuke rada na predmetima korupcije i organizovanog kriminala visokog nivoa.

U okviru **3. trogodišnjeg cilja Smanjenje dužine trajanja postupka u građanskim predmetima** planirano je da prosječno trajanje postupka na drugostepenom parničnom postupku iznosi 830 dana, ali dužina trajanja postupka je značajno smanjena u građanskim predmetima i ona u 2022. godini iznosi 640 dana, ali još uvijek na drugostepenom privrednom referatu je iznad postavljenog cilja i iznosi 893 dana, tako da će se u narednom periodu nastojati smanjiti dužina trajanja postupka i na privrednom referatu. Značajno je smanjena dužina trajanja postupka i u vanparničnim predmetima na 513 dana, dok je u stečajnim predmetima dužina trajanja postupka iznad predvidivog roka i iznosi 184 dana, a u zemljišno – knjižnim predmetima i predmetima ponavljanja postupka ispod optimalnog roka i iznosi 67 dana.

Nedovoljan broj sudija, jer je još uvijek nepopunjena sistematizacija suda, odlazak dvoje sudija u penziju, te odsustvo pet sudija zbog bolovanja u trajanju od jednog do tri mjeseca, je uticalo na dužinu trajanja postupka, jer se nije mogao staviti u rad veći broj predmeta.

U cilju realizacije postavljenog strateškog cilja redovno su se održavale sjednice odjeljenja na kojima se razmatrala analiza rada pojedinih sudskih referata, kao i praćenje usaglašenosti sudske prakse između sudskih vijeća u pogledu primjene određenih instituta. Također je analizirana realizacija plana rješavanja predmeta, posebno predmeta po zakonu hitne prirode, gdje bi moglo doći do prekoračenja suđenja u razumnom roku.

2. Strateški cilj – Unapređenje kvaliteta rada suda

U okviru **1. trogodišnjeg cilja Povećanje statističkog kvaliteta sudskih odluka**, sud je preduzeo aktivnosti da se statistički kvalitet sudskih odluka poveća. U sudu je ukupno doneseno 4.589 odluka na koje se može izjaviti pravni lijek. Bilo je ožalbeno 429 odluka, od kojih je u 183 predmeta odbačen pravni lijek, u 294 predmeta potvrđena je odluka, u 75 predmeta odluka je preinačena, u 59 predmeta odluka je u cjelosti ukinuta, a u 1 predmetu djelimično ukinuta. U 20 predmeta, predmet je vraćen ovom sudu na ponovno suđenje. Kvalitet sudskih odluka na svim referatima ostvaren je u procentu od 89,27%, tako da je cilj koji je postavljen u strateškom planu iznad planiranog, jer je za 2022. godinu bio planiran kvalitet sudskih odluka u procentu od 86%. Izuzetno je dobar kvalitet sudskih odluka na građanskom referatu i referatu upravnog spora, ali na krivičnom referatu u toku godine ukinut je značajan broj odluka, što se u konačnici odrazilo na ukupan kvalitet rada suda. Radi povećanja kvaliteta rada suda, na sjednicama odjeljenja su analizirane odluke dostavljene od strane Vrhovnog suda Federacije BiH i Ustavnog suda BiH. Vrlo značajan faktor za postignuti kvalitet rada suda su stručne edukacije koje su pohađale sudije, a sem toga sud je popunio biblioteku suda stručnom literaturom u vidu komentara zakona koji su nedostajali iz raznih pravnih oblasti.

U okviru **2. trogodišnjeg cilja Osiguranje on – line pristupa legislativi i popuna biblioteke suda stručnom literaturom**, Kantonalni sud u Tuzli je preduzeo aktivnosti kako bi omogućio sudijama on – line pristup svim pravnim propisima, jer je službena glasila obezbijedio u elektronskoj verziji. Također je prema prijedlogu sudija obezbjeđena stručna literatura i to zakoni i komentari zakona.

3. Strateški cilj – Unapređenje otvorenosti i dostupnosti informacija o radu suda

Kantonalni sud u Tuzli je tokom 2022. godine ispunio sve planirane trogodišnje ciljeve, a koji se odnose na objavljivanja statističkih podataka o radu suda na službenoj web. stranici suda, uspostavljanje redovne prakse objavljivanja saopštenja za medije u vidu konferencija, izjava ili pisanih izvještavanja i objavljivanje sudskih odluka u krivičnim i ostalim predmetima od značaja za javnost na službenoj web. stranici.

Kada su u pitanju informacije o radu suda iste je Kantonalni sud u Tuzli postavljao na web. stranicu, pa je tako postavljen Godišnji program o radu Kantonalnog suda u Tuzli za period 2022. – 2024. godine, Informacija o radu suda za 2021. godinu, Informacija o donošenju Plana rješavanja predmeta za 2022. godinu, Informacija o realizaciji Plana rješavanja predmeta u 2022. godini, izvještaj koji se tiče protoka predmeta i rezultata rada suda, statistički izvještaj o poštivanju optimalnih i predvidivih rokova, na koji način je sud ispunio obavezu u pogledu broja objavljenih podataka o radu suda planiranih ovim Strateškim ciljem. Ukupno je objavljeno 13 izvještaja. U proteklom periodu izdato je i 6 saopštenja za medije i predsjednica suda je dala izjavu za lokalnu televizijsku kuću na temu: „Pitanja etike, integriteta i sprečavanja sukoba interesa u pravosuđu“ u okviru manifestacije „Dani otvorenih vrata“, koja se održala za studente Pravnog fakulteta u Tuzli. Što se tiče objavljenih odluka u krivičnim predmetima, na web. stranici je objavljeno 16 krivičnih presuda, više nego što je bilo planirano, jer je bilo planirano 12 krivičnih presuda.

Kantonalni sud u Tuzli u 2023. godini nastavit će sa aktivnostima u cilju realizacije postavljenih ciljeva, a primarni cilj će biti smanjenje broja neriješenih predmeta u Građanskom odjeljenju i rad na predmetima korupcije, obzirom da ovi predmeti imaju prioritet u radu.

Realizacija postavljenih ciljeva zavisić će od popune sistematizacije suda i što manjeg odsustva sudija i ostalih zaposlenika, iz bilo kojih razloga.

B. Pregled realizacije aktivnosti po strateškim i trogodišnjim ciljevima u planskoj godini

Strateški cilj 1	Unapređenje efikasnosti rada suda		
Doprinos ostvarenju strateškog cilja	Kantonalni sud u Tuzli je kroz preduzete aktivnosti uspio smanjiti broj neriješenih predmeta u sudu, a posebno u Građanskom odjeljenju, kao i veći broj od planiranog broja predmeta korupcije, te smanjiti dužinu trajanja postupka u građanskim predmetima, sem u predmetima privrednog spora, tako da je doprinio ostvarenju ovog strateškog cilja.		
Trogodišnji cilj 1.1.	Smanjenje broja starosti neriješenih građanskih predmeta u Građanskom odjeljenju za 10%.		
Doprinos ostvarenju trogodišnjeg cilja	Ukupno u radu na građanskom referatu u 2022. godini bilo je 8.563 neriješenih predmeta. Sud je riješio 4.048 predmeta, što predstavlja 47% ukupnog broja neriješenih predmeta, a od tog broja riješio je starih predmeta na građanskom referatu 2.527 predmet, a što predstavlja značajno veći broj od 10%. Od ukupnog broja 2.701 predmet radnih sporova, riješio je 1.230 predmeta, a ostalo je neriješenih 1.471 predmet, što također predstavlja veći broj od planiranog postotka rješavanja ovih predmeta. Na nivou suda, sud je na kraju godine uspio smanjiti zaostatak predmeta za 335, što procentualno predstavlja 6,59%, jer je na kraju godine ostalo neriješenih 5.083 predmeta, a na početku godine je bilo 5.418 neriješenih predmeta.		
Pokazatelji za krajnje rezultate (preuzeti iz godišnjeg programa rada)	Očekivani godišnji rezultat (preuzet iz godišnjeg programa rada)	Realizirani rezultat	
	700	2.527	

Trogodišnji cilj 1.2.	Unapređenje rada na predmetima korupcije		
Doprinos ostvarenju trogodišnjeg cilja	Kantonalni sud je proveo sve aktivnosti u cilju prioritnog rješavanja predmeta korupcije i u 2022. godini od 7 predmeta „K“ koji se odnose na korupciju, riješio je 3 predmeta ili procentualno 42%, a na drugostepenom krivičnom referatu „Kž“ riješio je 40 predmeta, onoliko koliko je i došlo po žalbi.		
Pokazatelji za krajnje rezultate (preuzeti iz godišnjeg programa rada)	Očekivani godišnji rezultat (preuzet iz godišnjeg programa rada)	Realizirani rezultat	
	30% „Kž“ i „K“	42% „K“ predmeta, a 40 predmeta „Kž“, odnosno 100%, koliko je došlo na rješavanje po žalbi.	

Trogodišnji cilj 1.3.	Smanjenje dužine trajanja postupka u građanskim predmetima		
Doprinos ostvarenju trogodišnjeg cilja	Ovim strateškim ciljem planirano je da trajanje postupka na drugostepenom parničnom referatu iznosi 830 dana i postignuto je da se smanji dužina trajanja postupka na 640 dana, s tim što je na privrednom referatu ona još uvijek 893. Značajno je smanjena dužina trajanja postupka u vanparničnim predmetima na 513 dana, stečajnim predmetima na 184 dana i predmetima ponavljanja postupka na 67 dana. Prosječno trajanje riješenih predmeta u sudu na godišnjem nivou iznosi 502 dana, a neriješenih 353 dana.		
Pokazatelji rezultate (preuzeti iz godišnjeg programa rada)	za krajnje	Očekivani godišnji rezultat (preuzet iz godišnjeg programa rada)	Realizirani rezultat
		830	640

Strateški cilj 2	Unapređenje kvaliteta rada suda		
Doprinos ostvarenju strateškog cilja	Kantonalni sud u Tuzli svojim radom ostvario je značajne rezultate u pogledu rezultata rada i dao prinos realizaciji ovog strateškog cilja.		
Trogodišnji cilj 2.1.	Povećanje statističkog kvaliteta sudskih odluka		
Doprinos ostvarenju trogodišnjeg cilja	Kantonalni sud u Tuzli proveo je aktivnosti u cilju realizacije postavljenog strateškog cilja i statistički kvalitet suda je povećan u odnosu na planirani, tako da je ostvaren u procentu od 89,27%.		
Pokazatelji rezultate (preuzeti iz godišnjeg programa rada)	za krajnje	Očekivani godišnji rezultat (preuzet iz godišnjeg programa rada)	Realizirani rezultat
		86%	89,27%

Trogodišnji cilj 2.2.	Osiguranje on-line pristupa legislativi i popuna biblioteke suda stručnom literaturom		
Doprinos ostvarenju trogodišnjeg cilja	U okviru ovog strateškog cilja Kantonalni sud u Tuzli je uspješno proveo aktivnosti na osiguranju sudijama on-lina pristupa legislativi i popune biblioteke stručnom literaturom		
Pokazatelji rezultate (preuzeti iz godišnjeg programa rada)	za krajnje	Očekivani godišnji rezultat (preuzet iz godišnjeg programa rada)	Realizirani rezultat
		2 + 2	Osigurana elektronska glasila 3 + 7 komentara zakona

Strateški cilj 3	Unapređenje otvorenosti i dostupnosti informacija o radu suda		
Doprinos ostvarenju strateškog cilja	Kantonalni sud u Tuzli je svojim aktivnostima u 2022. godini nastojao doprinijeti realizaciji ovog strateškog cilja, a te aktivnosti se prije svega odnose na proaktivniju ulogu suda u objavljivanju podataka na web. stranici suda od značaja za širu javnost.		
Trogodišnji cilj 3.1.	Objavljivanje statističkih podataka o radu suda na službenoj web. stranici		
Doprinos ostvarenju trogodišnjeg cilja	U 2022. godini Kantonalni sud u Tuzli objavio je na web. stranici podatke koji se tiču rada suda i to statističke podatke, podatke o realizaciji plana rješavanja predmeta, izvještaj o poštivanju optimalnih i predvidivih rokova, te program rada Kantonalnog suda u Tuzli za period 2022. – 2024. godina.		
Pokazatelji za krajnje rezultate (preuzeti iz godišnjeg programa rada)	Očekivani godišnji rezultat (preuzet iz godišnjeg programa rada)	Realizirani rezultat	
	3	13	

Trogodišnji cilj 3.2.	Uspostaviti redovnu praksu objavljivanja saopštenja za medije u vidu konferencija, izjava ili pisanog izvještavanja		
Doprinos ostvarenju trogodišnjeg cilja	U protekloj godini preduzete su aktivnosti da se realizuje ovaj postavljeni trogodišnji cilj, tako da su izdata saopštenja na web. stranici suda sa kojima su se mediji mogli upoznati, a i predsjednica suda dala je izjavu za jednu lokalnu televizijsku kuću na temu „Pitanja etike, integriteta i sprečavanja sukoba interesa u pravosuđu“, u okviru manifestacije Dani otvorenih vrata, organizovane za studente Pravnog fakulteta u Tuzli. Ova manifestacija je podržana od strane VSTV BiH i Međunarodne organizacije USAID.		
Pokazatelji za krajnje rezultate (preuzeti iz godišnjeg programa rada)	Očekivani godišnji rezultat (preuzet iz godišnjeg programa rada)	Realizirani rezultat	
	2	6	

Trogodišnji cilj 3.3.	Broj objavljenih odluka suda u krivičnim i drugim predmetima od značaja za javnost		
Doprinos ostvarenju trogodišnjeg cilja	U cilju transparentnosti rada Kantonalnog suda u Tuzli sudske odluke su se počele objavljivati na web. stranici suda, međutim, u narednoj godini nadamo se još većem broju objavljenih odluka, jer smo primili u radni odnos stručnog saradnika, tako da će dvoje stručnih saradnika moći raditi na anonimizaciji sudskih odluka		
Pokazatelji za krajnje rezultate (preuzeti iz godišnjeg programa rada)	Očekivani godišnji rezultat (preuzet iz godišnjeg programa rada)	Realizirani rezultat	
	12	16	

b.1 . Obrazloženje za rezultate kod kojih je došlo do odstupanja u odnosu na očekivani godišnji rezultat

(Ukratko rezimirati i osvrnuti se na rezultate bez obzira da li je odstupanje rezultata pozitivno ili negativno)

Kantonalni sud u Tuzli evidentirao je odstupanja u odnosu na godišnji rezultat u statističkom kvalitetu sudskih odluka. U okviru strateškog cilja – Unapređenje kvaliteta rada suda 1. trogodišnjem ciljem – Povećanje kvaliteta sudskih odluka bilo je planirano da će kvalitet sudskih odluka na nivou suda biti ostvaren u procentu od 86%, međutim, taj kvalitet je ostvaren u procentu od 89,27%. Aktivnosti suda u 2022. godini bile su usmjerene na povećanju statističkog kvaliteta sudskih odluka i u tom smislu na sjednicama odjeljenja analizirane su odluke Vrhovnog suda Federacije BiH i odluke Ustavnog suda BiH. Statistički kvalitet sudskih odluka je na visokom nivou u građanskom odjeljenju, pa i u odjeljenju za upravne sporove, ali je značajno manji u krivičnom odjeljenju, jer su u velikom broju krivičnih predmeta odluke ukinute od strane neposredno višeg suda, zbog čega je kvalitet sudskih odluka u krivičnom odjeljenju značajno manji u odnosu na dva druga odjeljenja u sudu, a što se u konačnici odrazilo na kvalitet rada suda u cjelosti. U narednoj godini nastojat će se održati postignuti kvalitet sudskih odluka, te provesti aktivnosti kako bi se dostignuti nivo statističkog kvaliteta sudskih odluka održao ili povećao.

Trogodišnji cilj		Smanjenje broja i starosti neriješenih predmeta u Građanskom odjeljenju	
1.1.			
Pregled realizacije aktivnosti			
Redni broj	Naziv aktivnosti	Nosilac (najmanji organizacioni dio)	Realizacija (završeno /djelimično /nezavršeno)
1.	Izrada plana rješavanja predmeta po kvartalima	predsjednica suda	završeno
2.	Redovno održavanje sjednica Građanskog odjeljenja	predsjednica Građanskog odjeljenja	završeno
3.	Redovna analiza mjesečnog rada sudija sa osvrtom na realizaciju plana rješavanja predmeta	predsjednica Građanskog odjeljenja	završeno
4.	Tromjesečna analiza rada sudija u Građanskom odjeljenju sa osvrtom na realizaciju plana rješavanja predmeta	predsjednica suda	završeno
5.	Analiza poštivanja utvrđenih zakonskih rokova	predsjednica suda	završeno
6.	Popunjavanje biblioteke suda stručnom literaturom	sekretar suda	završeno

Trogodišnji cilj 1.2.	Unapređenje rada na predmetima korupcije		
Pregled realizacije aktivnosti			
Redni broj	Naziv aktivnosti	Nosilac (najmanji organizacioni dio)	Realizacija (završeno / djelimično / nezavršeno)
1.	U plan rješavanja predmeta uvrstiti predmete korupcije zavedene pod „KŽ“ i „K“	sud i sudije	završeno
2.	Redovna sjednica Krivičnog odjeljenja po sudijama pratiti realizaciju rješavanja predmeta korupcije	predsjednica Krivičnog odjeljenja i sudije	završeno
3.	Redovna analiza mjesečnih izvještaja o radu na krivičnom predmetima sa posebnim osvrtom na predmete korupcije	predsjednica suda i predsjednica Krivičnog odjeljenja	završeno
4.	Učešće sudija u specijalističkoj obuci koja se odnosi na predmete korupcije	sudije	kontinuirana obuka

Trogodišnji cilj 1.3.	Smanjenje dužine trajanja postupka u građanskim predmetima		
Pregled realizacije aktivnosti			
Redni broj	Naziv aktivnosti	Nosilac (najmanji organizacioni dio)	Realizacija (završeno / djelimično / nezavršeno)
1.	Izrada kvartalnih izvještaja sa podacima trajanja postupka u predmetima	sud	završeno
2.	Redovno održavanje sjednica odjeljenja	predsjednica Građanskog odjeljenja	završeno
3.	Predlaganje mjera od strane sudija za eventualno skraćivanje dužine trajanja postupka	predsjednica Građanskog odjeljenja	završeno

Trogodišnji cilj 2.1.	Povećanje statističkog kvaliteta sudskih odluka		
Pregled realizacije aktivnosti			
Redni broj	Naziv aktivnosti	Nosilac (najmanji organizacioni dio)	Realizacija (završeno / djelimično / nezavršeno)
1.	Redovno održavanje sjednica odjeljenja i stručnog kolegija na kojima će se razmatrati pitanje kvaliteta sudskih odluka kroz odluke donesene od više sudske instance	predsjednica suda, predsjednici odjeljenja suda, sudije	završeno
2.	Kontinuirana edukacija sudija	sudije	završeno
3.	Specijalizirane obuke sudija	sudije	kontinuirano traje
4.	Popunjavanje biblioteke suda stručnom literaturom	sekretar suda	završeno

Trogodišnji cilj 2.2.	Osiguranje on-line pristupa legislativi i popuna biblioteke stručnom literaturom		
Pregled realizacije aktivnosti			
Redni broj	Naziv aktivnosti	Nosilac (najmanji organizacioni dio)	Realizacija (završeno /djelimično /nezavršeno)
1.	Na sjednicama odjeljenja u sudu inicirati propise koje je potrebno obezbijediti u elektronskoj verziji	predsjednici ocjeljenja	završeno
2.	Na sjednicama odjeljenja u sudu inicirate zakone i komentare zakona koje je potrebno obezbijediti	predsjednici odjeljenja	završeno
3.	Preduzeti aktivnosti u cilju obezbjeđenja zakona i komentara zakona	sekretar suda	završeno

Trogodišnji cilj 3.1.	Objavljivanje statističkih podataka o radu suda na službenoj web. stranici, objavljivanje saopštenja za medije, kao i sudskih odluka od značaja		
Pregled realizacije aktivnosti			
Redni broj	Naziv aktivnosti	Nosilac (najmanji organizacioni dio)	Realizacija (završeno /djelimično /nezavršeno)
1.	Objava statističkih izvještaja o radu suda	sud	završeno
2.	Objava podataka o donesenom plana rješavanja predmeta u sudu	sud	završeno
3.	Objava statističkih podataka o realizaciji plana rješavanja predmeta u sudu	sud	završeno
4.	Objava saopštenja za medije	sud	završeno
5.	Objavljivanje odluka suda	sud	kontinuirano traje

b.2 . Obrazloženje aktivnosti (načina i stepena realizacije aktivnosti)

(Kod realiziranih aktivnosti, ukoliko smatrate bitnim, možete navesti i istaći koliko su one doprinjele ostvarenju ciljeva suda. Kod djelomično realiziranih aktivnosti kao i kod nerealiziranih potrebno je navesti uzorke i razloge koji su doveli do sprečavanja realizacije aktivnosti.)

Kantonalni sud u Tuzli u 2022. godini aktivnosti koje je planirao Godišnjim programom rada uspio je realizovati, a doprinos za postignute rezultate dali su svi nosioci predloženih aktivnosti. U 2022. godini sud je radio sa manjim brojem sudija, jer je jedan sudija otišao u penziju u mjesecu januaru 2022. godine, a drugi sudija u mjesecu decembru 2022. godine, a sem toga 5 sudija je bilo na kontinuiranom bolovanju u vremenskom trajanju od jednog

mjeseca do tri mjeseca, a neke od tih sudija još uvijek su na bolovanju. Također je i 7 administrativno – tehničkih zaposlenika bilo na dužem bolovanju, radi čega je bilo izuzetno teško organizovati rad suda, a s tim u vezi i realizovati postavljene programske ciljeve. Sudije i zaposlenici koji su bili na poslu dali su izuzetan doprinos da se realizuju postavljeni ciljevi, a posebno doprinos na Planu rješavanja predmeta, jer su sudije pored svojih predmeta, morali rješavati i predmete sudija koji su bili na bolovanju.

Redovno održavanje sjednica sudskih odjeljenja na kojima su se razmatrala pitanja značajna za unapređenje rada odjeljenja, doprinijele su boljim rezultatima rada u pogledu kvalitetnijeg i efikasnijeg rješavanja predmeta. Također zauzimanje stavova u primjeni određenih pravnih instituta imalo je pozitivne efekte u pogledu usaglašavanja sudske prakse između sudskih vijeća, tako da nije bilo odstupanja u pogledu donesenih sudskih odluka između različitih sudskih vijeća.

Visoko sudsko i tužilačko vijeće BiH u mjesecu februaru 2023. godine izabralo je 3 sudija u ovaj sud, tako da se nadamo da će u 2023. godini rezultati rada suda biti još bolji.



PREDSJEDNICA SUDA

Indira Hadžimehmedović